

命山集卷之九

皖桐方 文爾止著

黃州王澤弘吳廬定

壻繡水王

槩



七言律

望雲居山寄懷晦公

癸巳

三春日擬上雲居雖到殘冬願不虛豈為澄湖鑑明月

直從開士訪真如

雲居頂有明月湖真如寺

沍寒那得憑芒屨雪霽

還須覓筓輿頑鈍愧非蘓玉局敢勞佛印再燒豬

佛印舊居

此山子瞻音過之

題陶上人栞竹軒

撼撼霜風響竹林山僧喚作自鳴栞嚴寒不改長春色
疏節能留太古音金磬憂時聽轉細木魚停處韻偏深

翻嫌栗里翁多事斜抱無絃却有

錦山嶺月夜

嶺在建昌城內

從來看月喜霜天碧漢無雲更可憐破寺祇宜孤客寓
高岡惟見一城烟柰何深夜猶貪立如此清光不忍眠
忽見茶爐餘活火老僧重與汲山泉

李仙亭

李龍眠尉建昌有李仙亭在炭婦港今不知處

龍眠高士李公麟曾作茲鄉薄宦人聞有石亭名尚在
重來邑子意偏親邑子漢書疏廣干尋輪困壽樟樹一傳謂同邑子也
水縈迴炭婦津借問村叻都不識荒園弔古獨傷神

冬青吟

山房一樹冬青子至後纍纍燦若星欲取為丸兼浸酒
不徒黑髮可延齡喧呼鳥雀饑先食懶慢兒童摘已零
我見輒懷唐處士曾將多少種蘭亭

送廬山僧

修信送僧還嶽西黃巖深處有招提門當布水四時雪
路出盤峯百丈梯簡寂觀中甜苦筍歸宗寺裏淡鹹齏
由來此物稱佳品他日江城少許攜簡寂觀有苦竹其筍甜歸宗寺造鹹

蓋其味淡王十朋詩參禪得味鹹蓋淡學道忘憂苦筍甜即謂此也

上雲居山

雲居去地三千丈縹緲真為雲所居却訝峯頭多畝澮
宛然天半一村墟梅檀况有神宗筆貝葉曾分御府書
僧老不知陵谷變向人猶說舊皇輿

雪夜訪熊約生給練畱宿有贈

楊柳津邊雨雪繁纔過數里即黃昏停舟一訪高人宅

秉燭重開永夜尊知有同心懸魏闕不妨酣戰說吳門
紙窗拂曙猶難別扶杖衝泥送出村

天寧寺

鄱湖風雪浪千堆愁殺歸舟不敢開古寺有緣重借榻
老僧相對每銜盃風吹破壁遮仍透雪打空牀掃復來
怪得五更衾獨冷圖書俱是白皚皚

東廬山諸衲

自是廬山僧後身俗緣未斷入紅塵尚疑性體不曾汨
但見雲峯似故人昨歲冒霜游已遍今冬阻雪意難申
封書寄與諸蘭若會卜巖居作比隣

祀竈夜阻風彭澤

出門小婦叮嚀語準望歸期臘月初豈謂年終猶在客
祇應風阻不關予今朝祀竈愁偏劇古縣維舟恨莫據
只待南風吹半日蒲帆一曳到村閭

小孤汛冒雪至磨盤洲

昨夜北風聲怒號朝來雨雪似鷲毛雪繁豈礙還鄉路
風息休辭盪滌勞未過芳洲逢惡浪復從深港避洪濤
今年除夕到家否臥聽江鴻心鬱陶

除夕前一日泊大雷岸

延望家無百里程穹蒼何苦如人行微風細雪猶堪去
怒浪奔濤誰敢爭判坐寒江過節序儘沾薄酒亂鄉情
持盃先祭鮑明遠古岸因君始著名

除夕泊路灌溝

除夕常時在客邊不曾棲泊釣魚船殘冬歸自西江路

彌月無風朔雪天漸近故園猶阻隔雖云逆旅尚安全
貧家母婦深相念轉轉憂疑更可憐

人日哭從子子雷

子雷以癸巳人日卒于象山甲午

歸客逢春須縱酒酒酣何事忽沾巾魯連蹈海去不返
阮籍窮途誰與親豈少才華在桑梓那能節操比松筠
本期霜雪翻朝露人日年年愁殺人

寄懷無可道人

當年流寓石城陰正學荒祠日日尋誰料金川門又啟
可憐高座寺重臨閉關人似猿棲穴煉性詩如鶴叫林
聞說潤州鉦鼓動且將釵釧試禪心

答婦問

無食無兒衆所憂問君底事獨休休

二句是問以下是答樹根花

葦罕人譏鳥啄魚吞各自由今古似惟詩不朽朝昏長
得酒何愁况予窺測天人理未必黔婁與鄧攸

八弟爾孚自蓼城歸予與諸子夜集其宅因得觀

許妓詩甚佳感而有作

久客還家無不懽阿連底事獨辛酸青樓錦瑟三冬醉
野店荒燈二月寒泣露芙蓉詩婉變出籠鸚鵡計艱難
尊前俱是飄零者對此誰能不愧嘆

左子兼買山而隱寄此訊之

聞爾龍眠新卜築佳名夏霧自堪稱百年便作草堂計
六月當要山友登已辦青錢沽美酒預期赤脚踏層冰
西峯况有香爐秀不羨匡廬雲臥僧

閱汪君酬先生詩集于羽年齋頭有作

少年曾侍先生側，雖誦其詩妙，未知漸老自憐于律細。
重吟始覺是吾師，典型令子能相肖。品隲風人誰敢辭，
却恨龔山生較晚，不教酬唱萬天時。

馬壻永公入學有贈

今日制科原不重，少年舍此復何之。風塵亦有文章價，
名姓先於郡國馳。勸學弟兄皆益友，貽謀父祖是明師。
眼前釋褐何匆遽，須待垂紳正笏時。

姚若侯暑中見訪并有所餽賦此答之

石田今歲又饑凶，蝸舍炎囂午未春。忽有軒車來委巷，
祇疑晴雪落長松。兼金正及貧時，貺老友應諸物外踪。
爭似昔年淮水畔，草堂一日一過從。

平生酷好在聲詩，每向人言人少知。獨爾性情偏與合，
似吾吟咏恰相宜。一從楊僕紛垂組，那得匡衡復解頤。
涼夜宵判花下酒，重論頗覺勝當時。

重訪李太湖

一廛曾借龍崖側，高樹重陰得所依。豈謂年荒居不久，
可憐秋雨送將歸。吟身雖逐枯蓬轉，鄉夢時親明月輝。
却笑玉環無處覓，又同羣雀傍簷飛。

七年三次來相訪，匪獨人嗤亦自嫌。僧有因緣時節在，
客爲知己感恩兼。渠書况是千秋業，茶笋能無數日淹。
若復綈袍情未倦，恐君傷惠我傷廉。

送宗兄聖羽遊宿松兼寄田孫若長康

貧交似爾今無幾，疎澗那堪十五年。鏡裏容雖不如昔，
袖中詩却好於前。義兼風雅徵天性，家傍湖山絕世緣。

子耨妻耕何不可區區猶戀廣文瓊

田本不多年又早春來飢困豈能支司空且貨監河粟
令尹偏逢雪祭時累夜懷人在滋水明朝驅馬向洿池
乾坤革後音書闕客路因君寄所思

李明府龍崖禱雨余亦同泛

聞說龍崖龍有湫羅先生後少人遊羅近溪曾為湖百
令禱雨于此
年又見神明宰長夏偏為禾黍憂勤向山林求雨澤携
來賓從亦風流石苔爽剝傳遺跡更結雲亭在上頭

訪章明卿山中

前歲中秋叩爾關高林微雨臥看山萍踪忽去數千里
茅舍新開八九間煖老自憐燕玉美遺榮爭羨鹿門閒
明年有興還相訪竹下鸚雛五色斑明卿新
納妾

送夏汝明學博遷江寧兼寄顧與治紀伯紫余澹

心諸子

南都雖改舊皇居人物山川宛自如官是廣文兼仕隱
門當淮水足禽魚金相玉琢閒中句鐵畫銀鈎醉後書
猶有遺賢在林壑花時不惜訪蓬廬

仲秋入龍眠山偶遇高除二偕往卽別賦此送之

長夏頻招予入山炎熇步履不勝艱節過白露暑纔退
人出青門身便閒自識幽棲雲樹裏况逢舊友道途間
今宵對榻眠應好何事匆匆曳杖還

夜宿子直蜀厂感舊有作

昔余披髮始成童負笈從師在此中彈指光陰三十載
側身天地一孤蓬後生榮貴春華似故老衰貧秋葉同

只合商量借隱計我居巖北爾巖東

壽五兄凝齋六十

秋田驅策向城闈特爲吾兄皇覽辰八首已傳花下句
一杯須就鬢頭春兒孫羅立何妨老山水逍遙不厭貧
始悔從前過嶺誤折腰翻拜少年人

九日偕左三山先生又錞諸子登北山作

自是老懷長濩落不堪秋氣又蕭森花晨亦逐登高伴
海日偏傷望遠心浪說漳河千馬渡遙知粵嶠五雲深
舉杯但祝明年健天闕重瞻舊羽林

月夜過從兄臣梅小飲因出宣爐宮壺諸器感而

有作

聞君秋水濯歌還月白霜寒夜叩關酒是鄰家賒取易
器從京國買來艱宣宗御鼎金猶燦高廟宮壺錦尚斑
對此令人腸欲絕那堪重問舊河山

石仲昭明府枉駕草堂

柴門霜葉正紛紛來往無非鹿豕羣躬稼自應隨野老
式廬曷敢望邦君誰將名姓通宮宰先有旌麾下白雲
隣舍東西相顧語卅年此事不曾聞

三原孫豹人投詩三章賦此答之

冬晴正曝寒檐日巷僻俄驚重客車昔有詩名凌鮑謝
今知風節似嚴徐傷心秦隴不歸去作客淮揚遂卜居
何事少年甘委棄三綱一綫在樓漁

關中舊友推韓李

聖秋叔則

今見孫郎更過之采筆俱能干
象緯素心獨不受磷緇普天長夜何時旦東海重輪自

命山集
有期却笑世人多夢夢椒蘭猶改况江籬

送張濬之計偕

總角期君應早達年過三十亦何遲箕裘聊以承先業
簪紱那能比舊時精衛莫迷填海性梅花偏重向陽枝
君家兄弟勲名在方伯中丞定似誰

喜李仲山肥水歸

爾去淮西天正寒重裘猶怯况衣單關門一夜雪三尺
雲樹千層路百盤尚擬使君分斗粟豈知歲暮促歸鞍
空囊檢點殊羞澁贏得新詩廿首看

送陳子垣游上谷兼寄從子奕于司理乙未

除夕纔歸梁苑車早春又跨薊門驢聞關總爲謀衣食
雨雪何曾畏簡書主是賤貧交不薄文因山水助非虛

尊前若問淮西老苦竹寒梅未改初

讀戴敬夫河邨集

我友河邨沒數年時時夢見似生前祇愁遺稿亂兵失
稍喜承家二子賢聞道祝生歸有句知爲張老刻成編
春宵借去寒窗讀月落雞鳴尚未眠

舊時若是門前車馬
開如何讀得敬夫詩

重訪陳襄雲山居

海內如君交不多一年能得幾相過從便欲淹旬日
懷抱惟應托咏歌况有藏書供老眼也將快論起沉疴
雖然禁酒休辭醉別後相思悔若何

東鄭恪菴明府

雲峰天柱接龍眠久欲攀躋未有緣游策喜從今日始

山民爭道令君賢荒臺漢時猶千古雅咏潛陽已十篇

鄭有潛陽十景詩 若許老農相倡和東風不負杏花天

陳襄雲雨中送米走筆答之

故人畱我六朝昏倒屣傾筐總不論纔入荒城尋旅舍
又春白粲餉衡門虛疑風雨愁難寐轉覺陰寒靜少喧
只待雲晴山路暖相携南岳訪真源

贈潘含仲廣文

先生風格自高寒豈肯低頭就此官想為荒鄉有名岳
欲資微祿可閒看茅齋雖小談經足茶缶無多餉客難
指點群峰挂檐隙春晴期我上巔岈

壽朱山人

山人工醫術而有文學子三

天柱峯南草樹青田居多少少微星幽棲偶到逢君壽
春酒方開要我停自有丹砂為大藥不須黃菊制頽齡
階庭手種三松子筭取他年刷茯苓

清明日偕潘含仲先生踏青至陳襄雲家陳兼布

余善長各邀一日因拉含仲之山谷寺

客裏佳晨難獨坐與君閒步出城阿芳郊不覺杖藜遠
老友何妨索酒過從此隣家傳食遍祇因村落種花多
明朝更欲遊山谷借得雙驢西渡河

襖日同潘含仲陳襄雲金去的飲石牛洞

子瞻魯直行吟後山寺蕭條六百年我輩登臨非偶爾
春風觴咏豈徒然班荆先就烏牛石策杖還尋白鶴泉
君有史才脩邑乘去的方脩潛山志茲游雖小亦堪傳

山谷寺回又至去的家借宿并贈其兄簡在

石澗春游興未終騎驢晚復到牆東尚餘家醞一甕白
况有山茶四樹紅訪舊之川名最著前尚寶金公諱燕號之川去的之從
也祖論詩子美意偏工多君兄弟能畱客轉望來朝雨與
風

又借舍仲襄雲去的訪汪紫照山居

懷人三十里非遙况是春晴早見招出郭詩朋齊馬首
近村煙柳拂河橋門前鴨綠方池水田際鷺黃嫩穀苗
架有藏書尊有酒何妨夜夜復朝朝

訪陳爾靖山居因遊石壁寺

山路經行非一迴知君門對野塘開恐煩雞黍未輕入
直待鶯花今始來古寺荒涼餘石壁春溪委曲上香臺
可憐樹蕙滋蘭地空老凌雲聳壑才

滕王閣詩

帝子風流何處尋章江門外閣森森朱簾畫棟有興廢
南浦西山無古今是客欲登樓縱飲唯予獨掩袂傷心
當年芳草如雲錦此日神州共陸沉

暮春感懷

柳堤才見麴塵新又見秧田似麴塵枝上黃鸝並求友
梁間紫燕亦窺人渚花汀草香偏艷園筍山茶味各珍
是物逢春皆有異如何春盡不逢春

石公子挽詞

有盜入明府之室公子持戈刺之盜斃公子亦遇害

薄游天柱與司空采藥千巖萬壑中正喜神君沛靈雨
俄驚孝子化長虹為親禦寇休辭死設爾從王定作忠
關塞迢迢竟莫返重生應似顧非熊

席間二聾者一博雅隱君子一村俗夫或欲予作

二聾詩各肖其人用事不復請韻得聰字

山人古學號淹通明察秋毫只欠聰嘉遜全師鵬冠子

鵬冠子聾謂其妻曰吾得免為許由洗耳足矣苦吟亦類浣花翁少陵有右臂偏枯左耳聾

之杜微有守何妨仕杜微稱聾不仕宰相曰君但以德輔時不累君軍事乃拜諫議大夫

黃霸無緣孰任公黃霸為潁川守有聾丞督郵欲逐之霸曰許丞廉吏尚能拜起迎送重聽

何鞞鼓厭聞甘自廢却疑玉局是佯聾蘇子瞻答秦少游詩有令君疑

我特作聾之句

龜雖乏耳眼兼聰牛即無聞角自通物理志龜以目聽牛以角聽指

畫也能齊二物人多與聾者語多以指畫字家翁亦可傲三公社壇餘

酒年年飲本草酒治聾故李濟有社翁今瓶之句磁石和綿

日日克綿裏石實到底心聾醫不得列子心不涉學謂之心聾猿

啼雀噪總成空杜詩猿啼秋淚缺雀噪晚愁空蓋言聾也

同宗兄聖羽夜坐感舊

龍崖相過正朱明旅夜論詩有歎聲別去風塵剛一載

坐來星月又三更莫嗟身世同飄泊每念交遊半死生

所愧貧家無禮數黃雞白酒待秋成

喜孫子毅再入城因偕仲山子直訂龍眠之遊

君到春城我未還龍眠誰與共看山探奇獨上雲峯頂

知己長懷岳寺間柳絮飛纔歸草舍榴花開又欸柴關

相逢不許輕離別結伴重過境主灣境主廟子直讀書處

滕王閣再題乙未

閩州亭子洪州閣聞說滕王歌舞曾嫩蘂濃花詩宛在

落霞孤鶩句尤稱滕王唐高祖子元嬰也在閩州有亭老杜有滕王亭子詩巴山路

遠人難到章水臺荒客易登况是層樓新結構眼前詞
賦更誰能

寄懷孫豹人

霜江挂席南風正筭爾歸于祀竈前在路想因尋舊雨
到家聞已入新年閨中愁殺舖糜婦杖底橫攔買酒錢
總爲龍眠詩二卷逢人吟賞定終篇

翡翠蘭苕今不少鯨魚碧海似君無荒鄉忽枉高人駕
下筆爭傳明月珠况秉幽貞能出世爲求同氣最親吾
黃公祠裏晴兼雪痛飲狂歌日夜俱

七弟爾從初度招同陳爾靖小飲

去年初度客秦淮鴻雁分飛莫汝偕今日還家補春酒
况逢良友到高齋海棠繁蕊先秋綻叢桂清陰向夕佳
弟勸兄酬殊可樂勿因貧窶重傷懷
兒時失怙最零丁爾甫三齡我六齡稍喜成人悟詩禮
可憐不嫁惜娉婷野麋情性甘巖穴子鶴聲聞入杳冥
濁世浮榮何足道勉脩姱節慰先靈

送杜杜若遊廣陵

不是送君江上別誰能冒暑出縱川新秋共泛澄湖月
累日還棲野寺烟轉借病創須藥餌預愁分手故畱連
射蛟臺上堪懷古况有詞人孫李賢

孫子穀
李仲山

懷袖已盈三歲字茲遊又積百篇詩裁箋作卷書非易
倩友揮毫熱不辭歸去關中誇盛事憑將吳下質新知

揚州亦有孫兼李是爾鄉人我所思

孫豹人
李叔則

寄懷從子子唯

前中丞孫未先生第三子也

鳳凰臺畔昔爲隣，昏旦相過不厭頻。一自園陵非舊主，也將池館屬他人。劉安山在還堪隱，梅福風微誰與親。卽使浮沉勿輕仕，先公昭代大名臣。

送宗兄聖羽博士訓江都

仕宦今無一可爲，商量只有廣文宜。身閒不廢經書業，祿薄長稱弟子師。况是江關多秀彥，獨將詩律樹風規。問予何日來相訪，恐在黃花紫蠟時。

九日董學博子九見訪因同登西山

一官小寄盛唐山，官罷身貧竟不還。妻子也隨烟水上，生涯只在畫圖間。每因乞食遊隣縣，預擬論詩叩竹關。只尺城南峯壑秀，莫孤佳節共追攀。

江上寄元白禪師

逢僧便問元尊宿，在我青泉山寺中。所愧鄉人猶未到，有何家累不能空。三秋準擬來聽法，一帆去聲無端又挂風。寄語東林持律者，明年沽酒待陶公。

高座寺

昔年曾寓長干里，白社青林頗自宜。今日重來高座寺，碧雲黃葉總堪悲。荒村猶記熟行路，壞壁仍存醉寫詩。眼底僧雛俱老大，如何客鬢不成絲。

訪星卿君渥二高士

舊主園陵馴象西，寒塘衰柳不勝悽。多君兄弟結茅屋，合室生涯仰菜畦。都市爲僧人盡識，君渥城門戒入路全迷。星卿相過只有同心者，聲似秋鴻夜夜啼。

重晤張恢生少府

君去汾陽十五年一官三黜命顛連素交俱老恐難見
白首仍歸信有緣家轉貧於未選日兒猶酷似乃公賢
濁醪且醉休多感腸斷鍾陵古澗邊

飲李三石兄弟宅畱宿有贈

一室同居四弟昆自相師友古風存秋窗畱客盤餐費
夜雨連牀枕被温欲問孝陵先下淚莫詢貧舍最傷冤
君年少我十餘歲我尚無兒君抱孫

贈范民部正

時為邢孟貞刻遺集

石臼湖邊遺一老含風咀雅絕人羣生前每恨無知己
死後何圖有使君直以椒蘭同素質不辭梨棗附青雲
南中佳政人爭紀此事先教第一聞

王望如招飲談詩卽席賦此

潤州官舍姑溪寓幾夜論詩情最懽字句鍾譚今不少
沈酣杜白古來難知君淵雅曾窺奧好我狂吟每授餐
仕隱雖分本同氣綈袍猶念故人寒

去金陵前一日飲紀伯紫齋頭有贈

重來白下渾無事只爲貧交會面疎武定橋南尋顧紀
盧姬巷北訪錢余唯君未見心常恨臨發相過願始舒
露蘂霜橙不辭醉姑溪小別六年餘

姑溪哭王希文

青山舊友各爲羣竟夢相關獨有君却訝三年書問斷
豈知一旦死生分園亭曠去樓旁舍妻子寒來泣暮雲
我欲到門先腹痛凄凄風葉不堪聞

贈張洞陽

牛渚磯邊逢鍊師蕭蕭落木歲寒時衣冠盡作烟霞氣
容髣真成霜雪姿有興回蘭兼画菊無糧餐栢復餐芝
開春欲訪龍眠路孫老同舟正未遲

飲從兄摺公民部

尺書傳自廣陵秋我去廬山恨未酬猿鶴豈無干祿意
江關只恐厭人稠猶分遠俸知垂念欲話離情待乞休
此日鳳臺重對酒碧梧青竹舊同遊

慧山夜坐同元尊宿王著作

丙申

谿上泉聲暮雨過庭中樹色夜涼多三人露坐成八字
百歲塵緣一刹那不設藩籬防猛虎却吹燈燭救飛蛾
餘生欲學無生理知見其如老鈍何

元尊宿賞予三人露坐成八字之句復成此詩

急雨喧林暑氣蠲香臺露坐不成眠觀身那解人天法
味道先參文字禪三點爲心猶有界一心是卍總無邊
箇師四十了生死撒手懸崖二十年

偕金去的汪紫照諸子訪徐亮工山居

萑蒲時節山茶館與爾連牀意頗親便欲芳村來取醉
却嫌溪水漲經旬雨餘詞客相攜往酒罷愁懷難具陳
見說南中收俠骨司空義烈更無倫

訪徐次歐山居卽事有感

聞君四十猶艱嗣歲晚連生三鳳雛薄宦何曾貪腐鼠
高岡從此種青梧客因雨霽來相訪酒是冬藏勿用沽
勸我一杯愁轉劇不知老得似君無

揚州飲陳公獻兼贈王平格

陳寓並江都祠

我泊江關霜冷時入城先謁董公祠徘徊庭下瞻遺像
邂逅樓頭有舊知古貌脩髯渾似鶴呼兒貰酒復烹雌
况逢高士來相訪竟日淹留醉不辭

與李叔則先生感舊

宛溪孤艇犯風波與子同衾嘯且歌忽動歸心去淮海
時勞遠問及巖阿霜江弭楫懽相見騷雅知音苦不多
各有詩篇三十卷頻來交質意如何
流寓揚州近十年杜門不喜見時賢酒因小病全拋却
詩到窮工反自然好我晤言疑有癖從君學道恨無緣
避雙亦欲謀居此安得牆東受一廛

梵伊上人結茆西湖索贈

蕪城公自有精廬底事雷峯又卜居選勝應歸越山水
憑高忍見宋丘墟窗臨木末詩逾秀路接湖干友不疎
他日攀蘿來問訊肯將煨笋當燒豬

送孫無言歸新安

君歸故里尋常事作底名人俱贈詩祇爲交游遍南國
遂將風雅當東菑疎狂不識金銀氣離亂猶存冰雪姿
我夢黃山身未到寒江送客寄相思

露筋祠

邵伯湖堤三十三蘆花深處有荒菴當年祇是貧家女
異代居然彌勒龜弔古不妨前路冥停舟且共老尼談
明朝漸入淮陰市漂母祠中又一探

題范睢生小像

未見其形先見影意中彷彿有斯人年無二十鬢塵古

詩比尋常格調新
幽草軒能藏眾婢
如淮酒日醉遺民
來朝出郭期君面
只恐良工畫不真

贈宋份臣

宋鹽城人陳孔璋陸丞相皆里人也

韓信城邊方作客
劉伶臺下忽逢君
自言老圃蔬爲業
但覺深山鹿可羣
蹈海曾編德祐史
愈風不草建安文
斯人斯世難多得
晨夕相過莫厭勤

贈程婁東

程久寓杭州因陸麗京知予頗悉

君寓錢唐十二秋
陸家兄弟最綢繆
湖山淡處梅花暖
淮游歸時杜宇愁
習鑿齒應多置酒
婁師德且漫登舟
風江自有波恬日
重與揚舫吳越游

程微跋故有習婁二句

題丘季貞西軒

美人家在洞庭西
我欲從之烟水迷
但使苞稂存寤嘆

不須薇蕨費攀躋
岐山日落鳳凰去
隴口林深鸚鵡啼
余亦懷恩謝臯羽
荒臺獨上重含悽

賀范菊生納姬

君年二十鄧科名
風雅場中自在行
正是梅花能絕俗
不妨桃葉又鍾情
山非倩畫天然秀
川以懷珠分外明
主社再逢陽長日
客來先抱小麋生

是年至日范主社賦淮濱勅

新茶坡生日奉訪畱宿因贈

神宗三十又三年
君始懸弧淮水邊
簪紱自應登紫閣
星霜豈合老青氈
無言桃李蹊偏盛
有節松筠晚愈堅
且閉柴門書甲子
風光不似義熙前

南國詩人淮上多
其中祭酒是茶坡
寒如水澗千年石
瘦似霜林百尺柯
城隔那能長共醉
雪晴時或一相過

却嫌伉儷老猶篤黑夜衝泥定渡河

贈李繡波明府

歲晏驅車向北溟楚州却為酒人停但聞道路歌仙令
未敢章縫謁訟庭蕭寺忽承芳訊及水絃亦許寓公聽
鶯花南國春無數誰似長淮柳色青

稽淑子胡天衍同日送酒詩以酬之

淮南冠蓋新如綺耆舊猶存兩孝廉白首湖山甘自廢
緇塵巾烏不曾沾全軀亂世中庸好學道儒門疎懶兼
一作添因念旅人同氣味時分酒脯佐齏鹽

除夕前二日柬胡彥遠程穆倩

歲暮淮陰客尚羈三人相見各興悲我無家室合如此
君近鄉園何所為西子湖邊金谷妾彥遠瓊花臺畔石麟

兒情等閒拋却不歸去旅館寒燈一枕欵

送胡彥遠歸杭州并壽其尊公丁酉

淮柳方黃淮草青送君歸路指南屏到家知有天倫樂
邊海爭看處士星能以詩書當弓冶不須簪紱耀門庭
西冷松柏同心樹久識盤根長茯苓

題靳茶坡讀書圖

石几攤書眼不觀眼中詩思浩漫漫苦吟鬢任千莖白
絕妙詞無一字寬辟世自應知者少傳神亦覺畫工難
安能買宅牆東住長與先生共歲寒

喜徐雲吉至

君來枚里過殘年與我相逢淚泫然家破尚能娛白首
徐有八時危安敢問蒼天姓名雖共河山改詩句仍從

屠釣傳却笑秦人閉源水不如徐福是真仙雲吉改姓秦字同五

答張伯玉虞山送別之作

送我南歸各贈言君詩悽惻更傷冤兒多亦解無兒苦

伯玉三子虞山六子母死方知有母恩苦塊那能棲故土茅茨長

想傷芳村片時分手千行淚滴在麻衣盡血痕

淮干別杜湘草徐梁瑞

游子將歸意轉哀感君折柳出城來一天風雪愁無際

十里河橋送不回停權且沽村店酒揚帆却恨榜人催

丁寧後會知何處白草黃雲郭隗臺湘草亦欲北上

寶應訪梁公秋

放生池上雪華侵日與圍爐坐夜深囑我歸時當臝擢

尋君隱處一開襟奔喪不忍違前約力疾猶期話此心

時公秋病目表痛此行之句細雨寒燈正愁絕麻衣句苦更沈吟公秋送予有雨雪麻

石塔寺訪介立師并謝其贈

高座論詩如昨日驚心二十八年過聞公說法名偏大

老我無家禍更多淮水停舟聊繾綣香林忍淚復滄沱

囊無一物堪供養反損兼金愧若何

大龍灣訪劉超宗

其父白林先生是予老友

一自秋山梁木摧八年未到草堂來也知樹蕙滋蘭地

又長凌雲聳經材芳徑重過須止宿濁醪相對各興哀

雨窗話久不成寐銷盡春燈幾寸煤

蕪陰訪沈崑銅飲其山閣

限題詩二字

舊館重開江縣西新增阿閣與雲齊路穿石徑層層上

命山集
檐接藤花朵朵低春酒釀成畱客醉古苔摩處待人題
逃名何必求巖穴只此真堪處士棲

却怪年來受禍奇故人相見各興悲君當九死一生後
我正千愁萬恨時磊塊欲澆難止酒家園雖破未拋詩
坐中忽誦虞山句此道應推此老知

錢牧齋先生有寄沈詩甚佳沈誦之

飲楊泗水丈

自古難逢七十人君今八十更精神年來酷好龔山句
別去長懷憂患身江口維舟聊一訪牀頭沽酒不辭貧
期予三月重過此正是先生岳降辰

喜杜于皇見訪因過袁令昭小飲

城北城西路未長虛疑牛女限河梁經時疎澗因霖雨
此日過從趁早涼萬里東裝知我恨五詩題畫斷人腸

欲攻愁壘須憑酒索醉袁翁也不妨

哭李六出林

文定諸孫我所親六郎孝友過於人祇疑貌是山林相
不信年無四十春夾巷驅車先抱腹對牀聞雨更傷神
嗟予骨肉偏多難見爾遺孤淚滿巾

重至揚州過孫無言值于一豹人小飲兼懷公秋

江關纔泊訪君齋不惜青泥汚我鞵舊和詩篇猶在壁
新抽蘭箭忽盈階南京便就花間醉憂劇難將地下埋
二子明朝應有約獨憐遊客老天涯

題朱方伯鐵橋志

各身脩揚州人

黔陽萬里通朝貢一水盤江渡不能險絕爭容銅作柱
先生始以鐵爲繩瀾滄舊制傳諸葛

古惟諸葛武侯桂瀾滄江作鐵橋

竹新猷自廣陵度索尋樞何足道見漢書西域志巨川舟楫至

今稱

同豹人聖羽飲朱卓月總戎宅

吾友李孫風雅士每於客坐誦君詩沈雄自負幽燕氣
秀脫仍標河朔姿解組十年多勝侶鮮民一見即深知
恍然亭上香兼茗竟日淹留醉不辭恍然亭名

答俞允定見訪

池陽九子九芙蓉君在芙蓉第幾峰為省親闈來古郡
且依官舍寄游蹤林中絃誦無三伏紙上烟雲有萬重
訪我揚州木蘭院午時閒話到昏鐘

贈貢鹿田學博

千古腐儒同一酸先生風雅獨殊觀吟成香澤有餘態
客至壺觴必盡懽况出奇謀來幕府也分薄俸及漁竿
蕭蕭春雨那堪別六月重來問講壇

送許松牖令粵東

蠻方此日正兵戈君去蒼梧意若何猶喜長江無險阻
不妨浴路且婆娑舟中秋色青山好水上吟聲白雪多
到日彈琴有餘暇也將書札寄烟蘿

過杜生之小飲

瓦官一別十三年家計蕭條不似前飲量尚能盈斗酒
生涯只有賃房錢却嫌冠帶為隣里日與漁樵共醉眠
况是故人情更篤等閒相見即陶然

題范翁生烟艇圖

無復威儀似漢官不如裸體學垂竿小舟斜倚綠楊樹

念山集
遠由正當紅蓼灘興至且沽村酒醉醒來還把道書看
憑他世上風波惡一枕月明竟夢安

題趙天醉荷鉏圖

家園經亂已無餘那得閒田任爾鉏祇有一區隨筆硯
卽逢凶歲也畱畚輟耕隴畔由人笑采藥山中雅自如
若是南陽高臥者此時風雨正茅廬

皂河

未至皂河八九里北風暴作天冥冥奔濤怒流不敢上
荒洲野岸誰能停與客抱衾投古刹從僧乞席臥中庭
須臾雨止雲亦散仰視秋空無數星

徐州秋夜

北正民事滯黃河只爲燕齊此路過况有故人情婉變
却教游子意蹉跎城邊浙浙秋風起門外蕭蕭夜雨多
一醉僅能延一覺三更酒醒奈愁何

寄懷陳簡菴處士

昔承書問自梁園期我淮西一晤言今到雲龍程不遠
欲驅風馬病愁翻若能枉駕來羈旅合與連牀恣討論
十載神交相望久莫孤秋月冷彭門

黃茅岡與陳善長萬遐客吳中黃段聚五張楚村

徐石林吳用九萬瞿客諸子爲別

雲龍山下夕陽明石狗湖邊秋草平望遠獨憐游子去
憑高因見古人情醜詩惡字紛題壁剩水殘山故遶城
自是愁懷重多感况聞新雁有離聲

魏少尹竟甫以二裘見贈走筆謝之

北方寒與南方異九月霜華滿地生縱有重裘猶覺冷
不知敗絮爭能行先貽睡貉毛温厚後賜跑羔質軟輕
此去幽燕終日煖逢人便說使君情

濟寧謠

清河七十有二閘天井兩閘行獨難憑誰賈舶要淹坐
必待獵艘始放關下水疾如馬下坂上水難於車上山
南船但過分水廟揚舠直至張家灣

念山集卷之十

皖桐方文爾止著

黃州王澤弘吳廬定

壻繡水王樂安節較

五言排律

贈青陽何寤明

寤明有雙柑園其母死于亂寤明哀之而相生芝人以爲瑞甲申

客居雖在寺雲臥乃無菴薄俸分僧粥寒燈共佛龕

僧擁書藏島嶼搖筆起烟嵐陋巷時迴轍良朋快盍簪

新詩齊趙嘏奇字服桓譚瘦骨貧非病狂歌樂且耽一

朝聞叛卒萬馬渡江南老母依鄉井經時闕旨甘倉皇

奔絕澗慘烈墜深潭拋骨憑誰拾呼天痛不堪荒園餘

半畝嘉樹挺雙柑灑淚凝成碧抽絲若似蠶那能酬罔

極長此奉優曇古岳華開九新芝秀吐三

哀所致卽謂瑞何慙予欲收佳詠他年作美談

左子厚書室落成贈此 丙戌

九原不可作闕舍與祠隣季子服其訓諸孫宗所親稱
詩求麗雅挾草步清真忠毅公舊有清真草帷火無虛夜書聲豈
輟晨蓬蒿長閉戶藜藿自安貧大被容兒臥幽窗厭客
頻狂歌偏好我玄悟每超人况乃逢離亂相將學隱淪
故山餘洲島荒徑長松筠樵牧猶思漢衣冠肯帝秦且
同田舍叟共作草茅臣黽勉崇先德棲遲敬此身遙知
靈爽在不羨錦衣新

寄懷邢孟貞 丁亥

孟夏訪君邑君先去秣陵故園求近狀芳訊得良朋館
俸百金積隣田十畝增凶年飢可免肥壤穀長登石臼
堪終隱蒲輪豈望徵出門聊自遣荷鋪本難勝况復麟
兒異將來驥足騰誦聲喧草舍烟水挂魚罾滄海容高
蹈詩歌擅絕能雖居觀察署只似苦吟僧墨汁金盤露
淵心玉井冰世人希鑒別唯我幼師承舊好堅膠漆新
裁奉準繩名山傳必永雅道許同稱所惜老將至其書
布未曾亟謀梨棗事歲月莫因仍

廣陵飲龔孝升太嘗寓齋 戊子

霜風吹古寺一夜雪平階有客不能寐登樓多所懷故
人張綺席嘉名悉吾儕况以山爲壽是日孝升初度應知酒似
淮安仁年正少絡秀隱能借柳色黃金佩蘭香白玉釵
江南盛泉石塞北遠風霾泛宅雷峯畔揚舫邢水涯懽
娛惟嘯咏放浪脫形骸枯樹寒鴉集沿江戰馬排明朝

歸未得還許過高齋

太湖壽李漑林明府百韻

辛卯

瑞日迎長至仁君撫壯圖山城疑畏壘與誦比康衢父
老迎階舞兒童塞巷呼如崗爭以祝降嶽信非諛有客
寄茲土蒙恩與衆俱膚言那敢獻善禱合先驅仙種蟠
根大清芬奕葉敷歲稔天府國密邇帝王都皇考膺榮
祿名家本碩儒功名畱劍舄銘戒在盤盂和氏連城璧
隋侯月明珠挺生非偶爾內美實紛吾材是干霄竹文
成出水芙蓉方思嗽賈策不待棄終繻適與興朝會旋將
善價沽蜚英翔輦轂筮仕得山嶠下邑遭羣盜原田失
上腴闔閭惟瓦礫阡陌悉榛蕪芳草空題鳩愁聲但聽
姑君來勤撫字民始荷昭藉簞篋露身先啟茅茨手自誅
飯疏常不飽酌水更何需豈弟由天性溫良協聖模心
誠求保赤務急請蠲租凋瘵纔回喘漂流漸返逋遺黎
欣有托慈母竟忘劬儉德昭魚釜仁風被雉雞鳴如逢
夏蔭網不犯秋荼旣起轍中鮒兼推屋上烏我方諮稼
穡隣復哺萑苻威用風雷合恩同雨露濡黃巾胥感悟
青甸免憂虞賣劍還驅犢承筐弗攘踰相教安隴畝慎
勿負徵輪考績三年最論才一代殊中牟無以過單父
孰能逾尤善文章士先操聖哲符審音作季札辨色勝
離婁南國升諸彥西方懷彼姝秋河澄水鏡鐵網取珊
瑚品隲皆元凱甄收盡顧廚野人初入楚蹇足適過湖
一見性情愜重遊氣誼孚香塵沾蝶翅花蘂上蜂鬚知
有神明契難將禮法拘布衣頻入座醇酒輒傾壺問字

驚淵海稱詩愧小巫夜談天拂曙晝語日將晡天地風
沙晦冰霜草木枯薄材甘自棄知己獨長吁徐子嘗懸
榻姬公必吐哺舉盃浮綠蟻解橐贈青蚨遺母懷雙橘
畱賓劉東芻欲歸仍繾綣臨別幾踟躕忽憶年來事韶
光日已徂世途多枳棘何處有枌榆明月飛三匝深山
想一區願言依名杜於此聚生徒虎拙猶能繡龍希莫
漫屠青瑣元故物白社本潛夫假館城南曲橫經舍北
隅義堪窮練馬疑可釋冰狐授業鄉名鄭藏機谷號愚
樹蘭畦綠繞穿竹路盤紆釣罷溪烟冷樵歸澗月孤所
居峯巖業弗遺鬼揶揄底事憎多口無端辱厚誣雄鳩
言佻巧貝錦色模糊積毀愁銷骨微瑕懼掩瑜幸君能
察識諒我不雖肝此意真憂絕終身可刻膚豈惟今世
少只恐古人無踪跡巢枝鳥年華過隙駒銜恩空抱影
酬德未捐軀填者逢初度居人慶大醮未能羞累爵何
以壽懸弧淑氣萌葭管台星燦斗樞享年當萬億奏課
在須臾行矣新驄馬歸哉舊鳥鳥驥蹄終躡景鵬翼必
搏扶內殿含香侍中朝疎劍趨觸邪承密勿持法定訐
謫統馭王綱肅端揆帝命俞普天霑化雨庶類仰洪鑪
盛德高彌下貧交久不渝雲霄勞寤寐丘壑念崎嶇砥
志長餐蕨微車敢望蒲冥心隨鹿豕僻地遠豺羆緼冕
知無分風騷祇自娛曹王相激發陶謝不枝梧繆賞前
曾受弘標後更須困龍資尺水矯雁借微蘆一字當華
袞千秋匪濫竽但教延令譽曷敢怨窮途預訂他年約
應嗤野老迂寸衷猶未竭百韻豈能鋪

夏霧山房訪左子兼作

甲午

訪君期六月我復去司空夢寐時相近山川路不通纔
 歸白露後便往碧溪中知有故人在行將令弟同千峯
 何窈窕萬經更玲瓏古刹僧留飯秋田農獻功門堆禾
 黍實陂夾菱荷叢舊屋三間小新詩百首工見予來甚
 喜留客意偏隆旋倒牀頭甕爭披林下風烹鮮倩鄰父
 打栗促兒童桑柘影初沒雲巒話未終過橋愁冥冥割
 席恨匆匆直待重陽節還尋夏霧冲

戲贈左子直納妾詩

用二十藥名

今夜天仙子宮歸白玉堂銀屏列雲母錦幔綴流黃重
 疊合歡被細細沈水香華燈照粉面明月弄珠光竹葉
 杯中酒松花額上妝含嬌尚紅蕊結實定青箱馬齒休

嫌老蜂窠一任狂天門覓蕩蕩地芋水汪汪似鳳連翹

足非猿續斷腸只愁葦草嫩無計避淫羊

羊音戶
即地黃

贈闕百詩續娶詩

丙中

彼美淮南士誰如大小閩家庭良可樂作述况能兼之
 子年方少耽書性更潛腹如經笥飽才比劍鋒銛錦字
 隨時綴瑤華信手拈皆能中律呂從未覺柔纖以此予
 相洽頻過爾不嫌漫求鷗鷺侶重叶鳳皇占舊恨拋炊
 凶新懽且織縑春山臨寶鏡晴雪映珠簾野老來應慣
 高齋坐必淹飲仍當合卷詩不會香奩所願維熊早含
 飴慰爾嚴

金陵留別從兄繡山計部

丁酉

自君釋褐後雲水各西東間有連枝會那能大被同今

年來自下二月臥齋中書卷時相對壺觴夜不空微涼
庭樹綠絕艷海榴紅楚簟能消暑吳歛日課童因之披
樂府將以奏熏風商羽聲聲細陰陽字字工不嫌疑義
析况有偃師通余亦忝詞客聞茲愜素衷懽情纔欵欵
別緒又匆匆失侶悲梁燕長征逐塞鴻餘生是孤竹曷
敢怨飄蓬折柳當重午新蒲剉幾叢歸期猶未定惆悵
意何窮

揚州石塔寺宿介立禪師房

是古木蘭院曾爲王播棲孟空鐘後飯紗護壁間題

播有木蘭院詩即在此

老我重遊此高人得與稽禪林容偃仰佛

閣任攀躋香供餐餐飽新詩首首批炎天難以去涼夜
必相携露坐當星漢烹泉取澗溪閒論三世事轉覺寸
心悽明日之河朔中秋到薊西冤親不平等笑我太
逃

七言排律

秋日歸里飲潘蜀藻茅堂談香山詩甚快有贈并

示從弟井公癸巳

野老攻詩二十年詩中警句亦流傳貪看酷嗜無如爾
短諷長吟不論篇自是性情真契合豈因朋好故周旋
往時刻畫杜工部近日沈酣白樂天異地何曾相告語
同心不覺自鑽研君才通敏摹多似我筆粗疎恨未全
別去乾坤誰解此歸來閭里特懽然乍窺草舍三間小
重觀芳詞七字妍欲展客懷須命酒忙分母饌已烹鮮
客非陶侃客堪比母較茅容母更賢况有方干爲妹婿

命山集
共留連今宵偶聚黃花下古調高歌翠竹邊
長慶風光俱在眼香山胎骨本來仙三人詠歎知非苟
百遍過從期莫愆只恐浮踪猶未定明朝又泛五湖船

長女錄予詩成帙因題十韻

吾女生來靈異姿垂髫卽誦老夫詩數行一目覽俱下
百首經年記不遺匪獨性根元有種其中義蘊頗能窺
自于歸後應忘却乃抱孫時亦咏之每向龔山求副本
昨從皖水寄新詞使歸與婿抄謄讀婿亦因妻感化奇
夢寐思親兼悼弟乘書付女豈殊兒蔡文姬慧非吾願
班大姑賢是汝師汝子類吾皆可教吾詩非汝亦當垂
他年漫想甥如舅有舅如甥已自怡

命山集卷之十一

皖桐方 文爾止著

黃州王澤弘吳廬定

婿繡水王 槩安節較

五言絕句

春日卽事 丁亥

橋東挂酒帘橋西焚紙錢生離與死別都在綠楊邊

姑孰有和尚港蘄陽有道士泐王元美先生以爲

絕對紀以詩予往來姑孰舊矣今過蘄陽亦有

作 戊子

和尚名不著道士姓不傳惟留一片石長峙大江邊

竹醉日湯仍三種竹於庭戲贈四絕 己丑

種竹元宜雨茲辰晴不妨醉中離故國醒已在他鄉

竹亦有時醉露濡何況人只宜沉澆露不似火燒春
一年剛一醉諒不至沈寔影立西窗外為君座右銘
南枝須勿誤故土必多留只此數竿活明年滿院秋

題寺壁画蕉 庚寅

金粉俱零落如何墨未銷可憐舒卷意長日對僧寮

贈宛陵僧

海畔杯來遠江皋錫去孤敬亭山色好此處結茅無

品魚四十首

水族惟魚極多予所得食者不過二
品耳一日與好事者評其味之
美惡有上中下二品遂定其位次而系以詩至
蟹蛤之類非魚族而與魚同產故又集外品以
續之若夫內穴江瑞之名雖素聞于耳而未嘗
于口故不敢載姑俟異日考証焉 辛卯

上品

鯢即河豚其體圓而腹似猪故名

莫妙西施乳癡人不敢食東坡有格言河豚一死直

鱸 盧黑色也此魚白質黑章故名

張翰江東思千古真吝賞可惜一方出沾潤苦不廣

鱒 此魚出于初夏餘月則無故名

銀鱗不耐烹蒸用筭與荻自非江東人那得家家吃

鮓 即石首魚腦中有二石子每歲四月從海上
來綿亘數里其聲若雷漁人以淡水酒之即
圍圍無力任人網
取軟免音同故名

市人薦以冰旬月尚不腐想其出水時冲淡復何許

魴 此魚似鱈腹中有硬刺刺人故名吳人
蒸蝦子拌之作蝦齋無蝦者即勒齋

養以石首佳勒魚味更妙下酒不須多方寸遂居要

鱣 即黃魚太肥而不善游有連連之象故名

玉版浸金膏允為盤中最吾郡四時有饌餘還作膾

鮪 卽鱈魚其形延長而有餘故名

月令薦王鮪鬼神亦歆之至今皖江鮪嘉名四方馳

鮪 卽鮪魚冬月藏泥中大小以類相附故名

諸魚動屬火惟爾靜屬土治疾有多方恒食豈小補

魴 卽鱖魚其形方而扁故名

詩人比齊姜所貴出河洛槎頭縮項鮪是處美相若

鱖 卽鱖魚其性好旅行故名

魴鱖美在腹厥美尤在首首大如瓜者鮮食不容口

中品

鮫 卽沙魚其皮似沙可作刀鞘腹下有翅長數寸曝乾以貨四方

翅若黃金絲肥者厚如掌庖人薦彘肩味不下白鯊

鯊 卽刀鯊魚其形如刀故名

暮春海上來風味迥然別江陰烘子鱗冲淡尤可悅

鱗 此魚緇色而多子故名

厥子皆凝脂糟醬爲至美獺能辨諸魚食此必有以

鱈 卽白魚其色白頭尾俱向上故名

肥潔雅可烹糟食味尤妙當年曾入舟月下今猶跳

鯖 卽青魚狀似鯪而背青色南方多以作魚生古人所謂五侯鯖卽此

五侯不可作鱠縷至今傳枕骨如琥珀仍以製杯棬

鱖 音桂俗音蒯其體不能屈伸如僵蠹也

彷彿松江鱸風味少不及劉憑嗜食之仙人知有益

鱖 卽銀魚細如銀條也

白小羣分命鮮新可作羹致遠須曝乾浸潤還如生

鰻 此魚有雄無雌嘗以影漫于鱧魚其子皆附鰻鬚而生故謂之鰻鱧卽鱧

脂膏易饜人况能療痔瘻久食殺勞蟲不見金山女

鮓 卽鮓魚狀似鮓而小雖適口能發痼疾故可

柔滑無鱗鬚平人嗜食之口腹恣飽痰發疾非所知

鯉 此魚三十六鱗皆有文理故名

鯉爲諸魚長謂其能飛變品味在中下大者糟食善

下品

鱮 卽魴頭此魚之庸常供饌食者故名

精華在一首烹鮮可伴鱮除此不足食鮑之售村墅

鱮 魚似鱮赤眼其性好獨行尊而力者故名

獨力能破網所畏惟九罟苟非赤目異與鱮幾莫識

鮠 音忠卽鱮魚其性舒緩故名

池塘喜胃易繫在水惟食草羹臙殊無味南人用作薹

鰾 卽鰾魚有雄無雌俟諸魚後產鰾以頭徑其腹仍尿白以蓋其子故名

詩人咏魴鰾何以得並稱今作鮓與丸籩豆亦可登

鱧 卽烏魚其首有七星夜朝北斗言有禮也

狀與蝮蛇同道家所厭忌除夕煮浴兒稀豆頗爲貴

鱧 卽鱧魚其額平夷其涎粘滑故名

有齒復有胃無腮復無鱗性寒而味薄多食能害人

鱠 俗作鱠其形細長而嚼緩故名

鱠能逐風邪多食動風氣白點蛇所化殺人亦可畏

鰈 卽比目魚一云鞋底魚鰈猶鱗也故名

東方有比目二體合始行此意良可憐胡爲定遭烹

鱣 卽海鰻魚一名卽陽其圓如車輪故名

肉翅全如鵠能飛上石頭厥尾有大毒食之懷隱憂

鰓即烏賊魚自浮水上烏鳥見以為死而啄之
鰓即卷取入水故名其脂即海鰓

吐墨以自衛翻為人所漁厥骨治諸病功載軒轅書

外品

螭

霜後黃骨滿花前白酒香况能除內熱縱啖十餘匡

蛤蜊

盛饌悉肥濃此味獨清絕宿醒苟未解一啜如冰雪

海蛙 即淡菜

精力衰少人早晚最宜食其形雖不雅食之大補益

海蛇 即海蜃蜃蛇音訛也

水母蠢然物運動由羣蝦割食當國蔬下酒味亦佳

石蚶 即海參

蚶石上蟲其狀亦何惡煮食類鱉裙允宜作羹臠

蛭 音噴

海畔種蛭田甘鮮味可啜曝乾貨四方尚能逐邪熱

蚶

堅者瓦礫子大者盈數寸小者如芡實糟藏味亦勝

蜆 即土鐵

扁蛤性苦寒生食非所宜南人醞作醬佐酒惟一卮

蟹

少食能滋陰多食反寒中去醜載禮經忌與猪品同

蝦

蝦菜本鮮潔惟宜作羹湯性熱能動火多食恐非良

題畫四首 壬辰

金山集
桃花春水渡楊柳美人樓何處容狂客烟波一葉舟
陰罅收涼雨晴峰卷暮雲幽人正無賴把酒送斜曛
疎樹不遮山斜陽透寒碧野曠無行人溪橋獨歸客
茅屋閉空林孤舟載風雪蕩槳不知寒千峰吐奇絕
夜坐

殘暑不成眠一夜長數起山深月色高坐看松陰徙

鸞溪

我思廬山賢陶公與周子虎溪復鸞溪千年流不止

空山閣

峩峩鶴鳴峰其上二茆宇好我惟老僧繩牀對揮塵

除夕歸思

冉冉歲將除歸帆滿天末此時樓中人望斷江烟濶

阻風謠

癸巳

上水愁南風下水愁北風一生才命蹇無處不途窮
英雄才絕世亦似濟川舟時危風不利只得坐沙頭

正月三日抵縱川

甲午

前日雪中去今日雪中歸渾身俱是雪不認舊時衣
陶母老猶健鴻妻貧亦甘只是衡茅下蕭條太不堪

彭城古蹟十二詠

丁酉

彭祖井

在北門內昔人有彭祖觀井圖

州以錢鏐著相傳觀井圖若年猶畏死無乃太癡愚

孔觀樓

在呂梁子在川上日逝者如斯夫即此

江河爭入海晝夜無停時此理誰能會惟應尼父知

挂劍臺

在城南一里卽吳季札挂劍處

命山集
季子賢公子徐君亦賢君所以三尺劍不挂諸侯墳

桓山 在城東北十七里宋司馬作石柳于此

三年成一榔司馬愚且勞白骨今何在秋山處處蒿

子房山 在城東二里

海邊大索日潛匿此山中使其一擊中豈復臣沛公

亞父塚 在城南一里

此老苟不死重瞳豈遽亡後人高其義塚比黃茅岡

劉向墓 在城西北二里

更生雖儒術所重惟節義厥子匪不文葬處人莫記

龔勝墓 在城東南三里

新蔡移漢祚舉世罕臣節龔生義獨全古墓今為烈

戲馬臺 在城南一里

彭公起彭城誅伐符高祖九日讌茲臺風流亦千古

燕子樓 在城西門內張建封故宅

樓居十二年風節自青史無端白舍人一詩迫之死

黃樓 即東門城樓蘇子瞻以土壘之厭河水

河决城幾陷非公孰能禦後世守土者請頌黃樓賦

放鶴亭 在城南二里雲龍山張山人故居

山人有高致實藉太守賢微彼賢太守後世誰能傳

念山集卷之十二

皖桐方文爾止著

黃州王澤弘吳廬定

壻繡水王

樂安節較

七言絕句

雲間別邢孟貞 戊寅

江樹東連海岸香
思君千里一相望
如何又逐秋風去
白草黃花總斷腸

楊龍友廣文齋中畱別朱宗遠

為爾千巖萬壑秋
歸人十日此淹畱
西風臨發江門棹

猶向茗亭飲未休 宗遠為予寫千巖萬壑圖十日乃成

七夕為朱觀以悼亡

烏啼衰柳白門烟
暮雨瀟瀟送客船
此夜不知荀奉倩

金山集
滿懷冰雪爲誰憐

江上西風木葉寒素琴零落不勝彈黃姑織女猶相見
獨使羈人掩淚看

水鏡園漫興 庚辰

春池一夜雨潺潺萬木重陰滿院斑獨立小橋看水漲
白鷗何事綠波間

贈漁者

白鷺洲頭別有津偶然逢著捕魚人問他名字居何處
是我城西舊比隣

春愁

高樓微雨作春寒病起三三盃強自寬酒醒微風香暗度
不知何處有幽蘭

過吳氏舊園

公子西園昔所誇秋風今已屬誰家上六朝松石無人問
落盡池塘白藕花

許石疏園留別歌者 辛巳

密樹重陰覆草堂清歌一曲夜雲涼可憐明日河橋別
白袷秋衣粉黛香

送蔡大美携妾歸里用梅朗三舊韻

霜水揚舲破曉空錦衾人起夜啼紅莫愁南野無樛木
編帶新吹葛藟風

送劉長倩歸蜀 壬午

王孫歸路指臨邛家在巫山第幾峰惆悵相逢又相別
開元寺裏一聲鐘

送梅朗三東游

送君出郭向江村馬在橋邊僕在門朋好不期先後至
留連樽酒到黃昏

兩夜宿吳聖水池閣有贈

池塘風雨助春寒草閣鳴琴且共懽曲罷捲簾看夜色
不知新月上闌干
皓齒朱顏春可憐宵深被酒更芳妍低帷不許吹銀燭
戲引餘光到枕邊

無題

宛水橋遲二月餘客窗半與爾同居不知雲雨爲何事
只似良朋共讀書

維揚舟中喜遇姜叟穎李萊馭汪霏玉飲

邢關風雨書蕭蕭獨坐篷窗悶寂寥恰喜鄰舟逢舊侶
且沽淮酒過浮橋

卽事

漢武雄才迥出塵經營四海未全貧可憐河間中山貴
不及當年衛霍親

從兄浣叟令昌化又攝臨安將遷餘杭賦此贈之
紫谿春水百花開盡是吾兄今後栽昨日武林橋上過
吏人皆惹衆香來

龍潭千頃似明湖嘉樹奇芬永不枯聞說許由居尚在
至今猶有逸人無

鳴琴訟閣水潺潺便攝隣封亦自閒借問富春天目勝
何如淮水八公山

遙聞新命授絲拳三邑絃歌斷復連我欲移家爲避寇
他時不慮買山錢

寒食舟中雜咏

客裏春光總未知愁心如草草如絲尋常小節猶添恨
况是清明寒食時

不到吳門十二年虎丘山月冷晴烟今朝重向城邊過
回首當時意惘然

紛紛縞帶與綦巾盡是村中展墓人有客停舟雙淚落
寸腸凄絕爲亡親

越水吳山千里餘豚兒頻寄數行書書中字義無多少
只道金陵不可居

故人分俸贈南金勸我移家向武林勝友如雲良足樂
况兼兵火不驚心

借盛林玉張介人陳元錫過訪陳翼仲山莊

爲訪靈泉到古庵泉源尺五少人撰一星松火權消受
酒冽茶香飯亦甘

手把僧鋤斬竹孫白盤初供妙香存人間藿食都如此
但願長齋不茹葷

老僧戒律最精嚴盛暑袈裟食不嫌未捧鉢盂先施食
紛紛鳥雀下茅簷

過水草菴

黃元功先生過宮處

丙戌

汨汨河流聲向東聞君此地化長虹山僧指點行刑處
落日寒原望不窮

八月十八日錢塘觀潮

臨安風俗重觀湖士女喧闐江上橋江岸祇今唯牧馬
閨人廐卒亦蕭條

錢塘七日無潮信白下傳言恐未真東海田橫猶有客
海神何事不如人

一水平分路幾何經年塞馬不能過婺州雖破朱張死
此意寥寥亦足多

朱未孩張玉筍兩
公同死金華之難

東壩行

一帆春水到胥河楊柳千條夾岸多流水不關人世事
往來舟楫白烟波

京口卽事

恍憐乾坤剩此身曾將彩筆撼星辰于今東海揚塵日
來作江湖賣卜人

日出開簾午下簾路人爭道有奇占不論杖底錢千百
多少惟應付酒帘

冬日

欲雪不雪天色昏朔風怒號江沙奔敝裘獨擁寒侵骨
買酒無錢空閉門

山行

路遶西峰石磴斜竹籬深處有人家門前一樹寒梅古
未見東風已著花

七夕

戊子

秋河如練月如鈞天上雙星潛欲流隣女尚陳瓜果會
人間巧盡復何求

過黃州

長江如帶水盈盈多少英雄此戰爭陣馬風檣俱已矣
雪堂零落尚知名

白頭舟子是知津問彼山川語却真嘉魚黃岡兩赤壁
老坡猶誤况他人

舟人自潯陽回奉報檣師

岐亭船送九江還爲寄音書八里灣麻城地名江上平安無
險阻不妨飛錫渡雲山

過彭澤

小孤山畔彈丸城獨擅長江萬里名滄海不知經幾變
春風五柳尚含情

馬當

年少才高王子安片帆千里上江灘天吳亦愛文章好

何事時人白眼看

中秋

江南秋色已平分底事排空雁未聞到處風塵如塞北
三年不用往來勤

夜半

夜半神清好構思每於秋夜必爲詩紙窗竹屋蕭條甚
况復斜風細雨時

一夜無眠數首成山妻勸我少經營試聽窗外芭蕉雨
不是平聲便仄聲

客路

霜風刮面冷如水身著重棉且不勝憐爾執鞭從我者
布衣才得兩三層

江上吟

下水一帆如一鷗上水一篙如九牛南風漸止北風發
牛亦能飛鷗不浮

春晴借東茹吉廣文郊行

巳丑

年年不少看花興今歲看花興獨無祇向荒溪送流水
此身孤外此舟孤
紛紛遊女踏春沙笑指紅林是妾家只許桃花笑人耳
路人誰敢笑桃花

送濶師遊苑

年年夢想破亭雲舊友存亡久不聞君去陵陽山頂望
白楊衰草幾人墳

題徐翁小像

庚寅

家在蒲東俠少場翩翩裘馬意飛揚如今白髮游江左
竹笠芒鞋道者裝

送徐翁游越

南來欲上剡溪船北去仍耕隴畝田却笑秦皇求大藥
不如徐福是真仙

題畫寄馬倩若

解組歸來好讀書萬山黃葉正冬初閒騎欵段過隣舍
銅柱珠崖恐不如

咏並蒂蘭戲贈蔡芹溪

不知蔡四年來興且看窗前並蒂蘭小婦紅顏羞比得
老奴白髮並應難

三月晦前一日江樓贈妓

桃花雨後桃花水燕子樓中燕子飛今夜祇應畱客醉
明朝無柰送春歸

梅崑白齋頭看秋海棠

芍藥開時我未來來時正值海棠開秋花更比春花好
莫惜當筵酒一盃

江上望九華山雪

雪後江南見九峰九峰皆作玉芙蓉何年始踐山僧約
掃雪烹茶過一冬

舟中聞鶉

三春三月子規鳴一夜千聲與萬聲江上同聽多少客
誰人能解子規情

周善承園中咏竹

數畝琅玕粉籜新一杯畱客坐青曼慙予不及王郎興
看竹還須待主人

過蔡義徵故居傷之

自是乾時一腐儒著書直欲擬陰符山城破後遺文失
借問中郎女亦無

善法詩篇皆可觀當時同邑等閒看如今又獻荆零盡
如覺斯人博雅難

曾挾奇諒叫紫宸自矜終賈更無倫豈知屠狗椎牛者

翻害犁庭掃穴人蔡少年伏闕上書後死于寇故云

東北城隅一小山路人猶指是柴關千竿紫竹今何在

惆悵黃茅白蕘間蔡舊有柴關紫竹甚多

咏章明卿山中瀑布

今年長夏苦炎蒸想到幽巖恨未能勸爾林中作亭子
明年六月我重登

六聲猿

昔徐文長作四聲猿借禰衡諸君之口以
泄其胸中不平與千古絕唱矣予欲倣其
義作六聲猿蓋取宋末遺臣六事演為雜劇詞
曲易工但音律未諳既作復止先記以詩俟他
日遇知音者
始與詞焉

謝侍郎建陽賣卜

翫憐乾坤八尺軀且將卜肆溷屠沽當時猶解欽風節

今日程劉輩亦無

程文海劉
夢炎也

家叅政河間談經

平生志業在春秋說與諸生涕泗流吳楚風詩猶不采

那堪戎索逼神州

唐王澐之書記骨

鳳巢龍穴不成棲玉匣珠襦踏作泥唯有年年寒食節

冬青樹下杜鵑啼

鄭所南鐵函藏書

吳門春草綠參差并藏書那得知三百餘年書始出

守原又似書函時

王炎午生祭文相

文相精忠泣鬼神當年猶有見疑人可知盡節惟應死

才說權宜便不真

謝皋羽慟哭西臺

巖子灘頭風雪飄生芻一束薊門遙傷心豈獨悲柴市

萬古崖山恨不銷

病鶴 壬辰

自是徐卿月下身何當鍛羽躡青旻也知臂血能醫爾
只恐今無三世人

嬉子湖

嬉子湖邊欲雪天歸人策蹇犯寒烟遙知小婦羅幃上
亦有雙雙嬉子懸

夢吳錦雯

秋夜何爲頻夢君三年詩句不相聞世間酷好五言詩者
除却杓司卽錦雯

上廬山絕頂

從來履險足凌兢捫葛攀蘿恐未能到此不知身轉健
前身合是此山僧

題陶靖節先生小像

誰畫淵明采菊圖柴桑橋畔獨躊躇廬山百藥般般有
只是傷心劉寄奴

脩江行

楊柳津邊楊柳花春風春水櫓咿啞晚來細雨衣裳濕
若爾行人不憶家

江行十咏

左蠡山

左蠡山前險不同幾番過此遇狂風停舟一謁龍王廟
聖祖題詩在廟中

分風浦

宮亭廟舊有神明能使分風送客行今日廟荒神亦去
分風浦在不知名

蝦蟆石

大孤塘上蝦蟆石獨立長風巨浪間堪笑舟人避此諱
問渠只喚狗頭山

撫州人相罵蝦蟆

女兒港

獄客心隨江鳥飛無端風雨妒人歸今宵又宿女兒港
何日才過太子磯

石鐘山

怪石驚濤江水濱老坡遊後更無人畫師偏愛曉曦色
絕似倪黃斧劈皴

彭郎磯

大小孤為大小姑山祠果有女神無長年三老誇多識
爭說彭郎是妹夫

馬當山

馬當山至滕王閣六六江程一信風不是天吳愛文字
任他才藻為誰雄

磨盤洲

章江春水勢悠悠底事前軍此逗畱痛恨當時肉食者
不爭南國守南州

大雷岸

鮑生游宦適匡廬此地曾傳寄妹書寂寂荒洲誰復問
有人懷古獨躊躇

長風沙

白門女子面如花直欲迎夫到此沙念我歸人無百里
風波不渡重興嗟

孫子穀宅嘗新有感

憔悴江湖托鉢人今年才食故園新山田磽确收禾晚
又復嘗新在比隣

代內答

家計蕭條吾不怨良人飄蕩實堪嗟一年十二回明月
十一回明不在家

修水

修水曾游花未殘游人重到雪漫漫光陰最是無情物
纔覺春風又歲寒

雪舟

大雪壓舟舟不勝時時拂掃已成冰三重阿閣猶嫌冷
何況簾條僅一層

舟小惟憑一箬篷任他密霰與狂風曉來篷上雪三尺
方悟埋身雪窖中

雪風吹面最辛酸擁褐微吟強自寬不是生來松柏性
誰人耐得此嚴寒

梳頭漫作 甲午

醒即吟哦醉即眠詩中神聖酒中仙梳頭莫訝銀絲出
已過潘安十一年 安仁三十二見二毛
今子四十三始見

護節菴

西城頻出無他事護節菴中好看山况是老僧能愛客
烹茶獻果不曾慳

茅花

江上蘆花秋可憐山中夏日景依然茅花亦似蘆花白

四月渾如八月天

田間夜坐

野夫憂旱不成眠中夜頻頻起看天忽見浮雲遮北斗
定知微雨潤東田

僧話

愛此琉璃佛面光與僧閒坐竹間房紛紛辨駁無他語
爭道茶芽某處香

咏友人杖

廬岳茶芽歲歲生茶條百歲始能成砍來作杖堅於竹
絕壑層巒任意行

題山僧補衲圖

年老心閒腹不飢霜天捫虱對晴輝莫將舊衲添新線
新線仍非壞色衣

羅溪道中

山雨初來已漫溪溪流深處忽平臍沙邊久立無船渡
赤脚騎驢過水西

章明卿山房遇雨

野外三旬無雨澤山中間日有滂沱故人家在青崖麓
轉放溪流入大河

寥峯

寥峰秀出白雲堆恰似芙蓉朶未開驢背垂鞭幾回首
問誰曾上此峰來

題西寄劉十二爾仁

龍眠山下往來頻萬壑千峰意未申歸去臥游何不可

送君一幅李公麟

有客画報恩寺塔者索予題之

白下城南路屈盤浮屠高出五雲端河山非復當時舊
烟樹愁從画裏看

題汪大年小像

十載漂零瘴海涯容顏未改髻初華問君可是徐鴻客
又見楊花變李花

孫豹人寓中贈妓霞標

雲行巫峽偏生妙霞起天台分外鮮當時不逢孫宋
雖有雲霞那得傳

贈歌者宛鸞

野性羞同雞鶩居霜天偏喜傷樵漁雪衣皎潔應相似

只恐妻音鷺不如

潛山道中 乙未

數間茅屋倚高岡一樹梅花出短牆有客下驢偷眼看
徘徊不覺至斜陽

舒王臺 志云王介甫玩月于此因得名

茲臺千古峙城東玩月何私拗相公借問傅巖亭在否

逢迎莫是李師中 師中素與安石相及安石為相師中為舒州守乃建傅巖亭于舒以媿之

舒王臺恐亦師中所命耶

山谷寺

黃公本是西江秀鄙渚廬峰豈不多却占此山為別號

亦如蘇老號東坡 東坡在黃州治之東

汪紫照山房戲贈

桃花潭水訪汪倫萬壑千峰百畝春人有此巢堪白首
君何不隱尚紅塵

石壁寺懷從子子建

子建有莊在焉

數畝山田十里溪阿成此處有幽棲如何轉作熙城客
空谷無聲猿鳥啼

長松偃蹇勢如虬怪石彭亨狀似牛松石之間作亭子
他年吾與爾來游

題硯板

弓有韜兮矢有韃况于嘉石受丹鉛從今削木爲方蓋
不使纖塵入硯田

沙河

百里山城一日還何爲五日尚間關沙河水漲没人乳

欲渡其如老馬羸

挂車河

三國英雄到此多奇兵皆出挂車河如今山澗無人物
祇有漁樵解唱歌

過朱司農邑墓

漢朝陵墓有誰存丞相通侯不足論惟有畚夫塋尚在
年年父老薦雞豚

悶

橋東賣酒兩三家只取青錢不肯賒
唐人以見錢爲青錢愧我囊
無阿堵物動人愁有石榴花

賦得魚戲新荷動

魚戲田田荷葉東陂池十里衆香同紅蕖自颺非關雨

翠蓋頻翻不是風

魚戲田田荷葉西芙蓉菡萏不沾泥葉心珠露圓仍破

水面紅妝亂復齊

魚戲田田荷葉南金鱗兩兩又三三任教作隊游香國

不怕垂綸到碧潭

魚戲田田荷葉北素鱖花魴非一色尾掠茄根撥刺鳴

口迎花片照鳴食

魚戲田田荷葉間虛疑蓮女盪舟還驚起鴛鴦不成睡

雙雙飛去白蘋灣

三王問

司馬曾官計部郎九原何以見先皇先皇相見憑他說

只是無言對潞王

御史中丞撫浙江九原何以見弘光弘光相見憑他說

只是無言對惠王

方伯賢兄姓字香九原何以見鍾陽鍾陽相見憑他說

只是無言對汝王

秋雨

秋夜頻聞雨過溪晚禾才見水盈畦農夫相謂不勝喜

昨日一鉏今一犁

戲贈賣藥者

客舍老翁何太癡自誇仙藥染霜髭世間黑白天然好

何必鷓鴣勝鷺鷥

題友人墨竹

無實無花是此君高人鍾愛意何殷祇緣茅節天生直

風韻蕭疎更不羣
一枝烟雨出毫端
挂在書窗夏也寒
借問湖州文與可
胸中成竹幾多竿

此韻

此韻相隨二十年
何曾一日離吾前
如今爛熟不須看
汝亦威蕤覺可憐

催租

卜居深巷似山村
偏有人來秋樹根
酒債詩題全未了
如何租吏又敲門

左生壁間挂此圖一見使我長嗟吁今人豈但無此事

肯挂此圖人亦無
左生壁間挂此圖
一見使我長嗟吁
今人豈但無此事

飢寒一日耐不得
蘇武如何十九年
應笑此翁太癡絕
李陵衛律是豪賢

五言古體由君始
四首皆於出塞時
海上年年多雁足
何爲不寄一行詩

詩人酒人子所愛也
然惡步韻與熱飲者
口占刺之

醇醪冷飲有三益
步韻從來無好詩
况是炎天呼熱酒
與他步韻一般癡

題李生小像

摩詰前身是畫師
輞川圖更妙于詩
龍眠丘壑重歸汝
夙慧將無李伯時

送范小范歸漳湖

山城何幸美人來一日三家共酒杯
爭奈病軀難久坐
畧嘗茗粥却空迴
肩輿卅里到沙頭
月白潮平好放舟
臨出東門更惆悵
龍眠在眼不曾游

穀賤

頻年苦旱今年稔
百事支分盡在田
豈料秋成農更苦
一擔新穀耀三錢

偕張水蒼李妃瞻飲寇白門齋頭有贈

我別秦淮十二霜
六朝金粉不聞香
舊人猶有白門在
燈下相逢欲斷腸

一到南中便問君
知君避俗遠塵氛
此番不見幽人去

慚愧秋江與暮雲

張生圖晤甚艱難
此夕相期分外懽
只當論詩良友宅
不應槩作女郎看

孝陵棉

金陵市上有賣木棉者大書孝陵衛棉四字于門子見而悲之因成一絕

眼中久不見此字
但見此山空嘆嗟
舊日王侯多第宅
只今誰似賣棉家

題錢孚公小像

褐衣蔬食未全貧
山水逍遙自在身
上界神仙求不得
輸君平地作仙人

題露筋祠碑上

丙申

斷臂妻猶傳姓名
露筋女不記平生
往來多少馮長樂
試使看碑作底情

壽朱翁

隆萬遺民世漸稀敬君如覩漢官威不知南極星何意
偏照淮陽老布衣

湖嘴漫興

湖嘴在淮安新城外友人多家于此

久客長淮莫怨嗟尚餘詩酒作生涯狂吟痛飲之何處
不是闔家卽范家

春西堂不惱人過幽草軒能召客多最是難忘可憐夜

紅兒歌罷雪兒歌

闕有春西堂范有幽草軒紅雪二妓名

孫無言廣陵移居王于一孫豹人邀予過訪指壁

間九韻各賦詩三首贈之

兩歲之間三卜居一童以外再無餘鄰家不省誰來住
夜夜惟聞人讀書

梅妻鶴子昔曾聞紙帳藤牀又見君吟苦不妨頭似雪

酒酣那羨女如雲

是客來遊淮海間有詩皆送爾還山如何不舍邢溝去
轉向春江送客還

又用前韻述懷三首

我亦飄零無定居田園都是劫灰餘誰家肯借梁鴻廡
與爾同搜李泌書

蕪城車馬日相聞僻巷何人訊隱君但有漁樵通姓字
紛紛冠蓋等浮雲

作客何爲戀此間祇緣良友與佳山三人若得長相聚
便住揚州老不還

池口阻風

湖上青山尖似螺江中白浪大如鷺榜人停櫂向予說

四月魚苗風正多

四月北風謂之魚苗風

金陵喜遇雪田上人

一鉢飄然去海南
蠻方頂禮作瞿曇
重歸故國緣何事
欲向鍾山結草菴
舊友相逢江上村
終宵勸我入空門
逃禪須待十年後
說與如來亦斷冤

贈扶漢鼎山人

運移漢祚鼎難扶
江上逢君不忍呼
水鏡但存司馬在
南陽還有臥龍無
魑顏曷鼻老風塵
四十二年富貴身
此語祇應調蔡澤
魯連不是帝秦人

留別宗兄聖羽學博

世間官是廣文貧
又有分甘苜蓿人
總爲平生雞黍重
不然肝胆向誰親
那溝來去兩三番
倒屣傾筐每盡懽
送我北征還損俸
一錢應當百錢看
臨別殷勤復致詞
到京少飲少吟詩
詩中忌諱防人見
酒後牢騷不自知
老友關情自可憐
此身漂泊聽于天
回頭却望揚州月
冷署微官亦是仙

題梵伊上人像

上人能詩善飲

遠公過午脣不沾
尚能沽酒待陶潛
何如彌勒同龕坐
米汁醍醐一樣甜

予北征日張虞山趙天醉閣百詩枉送至清江浦

因訪談長益不遇宿其僧舍次日而長益來各
賦詩七首

我去淮陰暑未消故人相送至河橋
三千里路不爲遠

三十里亭纔是遙
渡頭且莫問行船暫借僧房一夕眠
淮水東流正愁絕

黃河北岸更悽然

關內茅菴談叟棲子將籠卷就君題
豈知烟權偏相左手挽垂楊落日低

張君新以四愁名終日吟哦有嘆聲
况是別離情更苦雖無愁者亦愁生

阿咸初自下邳還岐路相逢喜動顏
一北一南渾浪迹

且沽村酒慰間關

從子公敏自北來過于河上

南方最苦蚊啞膚一到清江半個無
只此游人宜向北塵沙霜雪勿嗟吁

明日東風權欲開談翁追送出城來
河干佇立同三子帆影微茫尚不迴

宿遷

白洋河北一孤城聞說重瞳此地生
我欲停舟詢往事斜陽衰草不勝情

將近徐州

大河西風十日連小舟上水如上天
榜人忽報彭城近望見雲龍山爽然

贈妓墨仙

彭城懷古悵悠悠不見當年燕子樓
只有長堤一枝柳

引人懽笑破人愁

昨夜河南邀賞月今朝河北又看花頻頻來往誰為主
吳萬陳張段五家

從吳用九乞炭

前日移尊旅舍中香爐只有一星紅許分楮拙添茶竈
不翅琅玕滿竹籠

李康侯水部索題其嘯園詩

君子堂

梭山自古鄭公鄉又有高人闢此堂階下草猶似書帶
泥中婢亦解詩章

喬木軒

何以知君世澤遙請看門外樹干霄黍離麥秀偏多感

只有霜皮永不凋

海巖樓

萬里蓬萊木上山秦人何苦費躋攀朝來捲幔樓頭坐
圓嶠方壺只尺間

來霞閣

阿闍三重木末平餘霞一片日邊明居人疑在天台路
青石橋邊望赤城

愛蓮亭

長夏偏宜菡萏風醉眠人起立亭中此身安得如游鯉
蓮葉西邊蓮葉東

花關

楊柳枝間羣鳥啼櫻桃花下曲欄低雨餘水長渾無涇

